

Non ita autem in medio sermonis cursu. Quin *Aen.* VI. 65. formula illa historica plane omittitur, licet Sermocinatione finita fiat apostrophe ad aliam personam. Anne ergo hic poëta in continua sermonis serie, in perpetuo illo flumine oscitet, & jejuni ruspatoris more ineptam eruet buccellam? Verum enim vero λεπτολογεῖν dixeris me, Lector, si grassantem, & latius opinione tua grassantem examinaveris licentiam, qua Corrector ex *Juno* vocem trium syllabarum efficit. Ludos, scio, facit Vir Ingeniosissimus, at quo plausu, nescio. Certe Linguæ Latinæ Genius parum adnuet. Quodsi illa divina dialyseos vis tam promiscue, tamquam Deus aliquis ex machina, advocari potest, jam tertiam Cel. Auctor in loco priore exsculpere potuisset lectionem:

Scindit se nubes & purgat aëthera. Apertus Restitit Aeneas.
Nam fuit, qui *Aen.* IX. 24. sic legit:

Multa Deos orans oneravit aëthera votis.
Jam collaudabimus versiculum Bunelli:

Ventilat hic vespas, dispungit oëstros.

Jam obsequemur monitis Viri cuiusdam non indocti, & Censori suo, quod ipse testor, laudato, sed præcipitantia quadam vapulanti, qui *Aen.* III. 74. scandebat:

Nereidum matris & Neptuno Aëgeo.

Vid. Celeb. DORVILIUS, Patronus ante hoc fere decennium & Præceptor meus gratae mentis pietate, sed numquam satis colendus, in Vanno Critica Cap. IX pag. 366. & pag. 402. a cuius, si quid in his valeo literis, manu ὡς ἐν πρώτων ὀρύχων me factum libenter recordor & profiteor ingenue. Bene sit literarum Statori tanto!

Nititur Cel. Heumannus auctoritate vocis *Iulus*, quod tribus currere syllabis e Virgilio probat. Supersedere poterat molestia & onere probandi. Vix in poëtis, priscis, duabus *Iulus* effertur & scribitur syllabis. Apud Hor. IV. Od. 2. videtur sic ponи. Sed Cunninghamius jam huic occurrit difficultati. vid. Vannus Crit. pag. 402.

Vox *Iulus* est origine Græca. Græci non habent literam Ιδ. Pauwius ultrajectinus hac litera fortunas Græciæ beans ridetur Doctissimo Dorvillio & vapulat. Bene ergo tribus syllabis vox *Iulus* effertur, ut Græcum ΙΣΛΟΣ. At non temere & sine auctoritate veterum in eundem ordinem cogendum est nomen Junonium. *Junonis* etymon vero